

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-416/08
Sarajevo, 03.04.2008. godine

Z A P I S N I K

6. VANREDNE SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 03. aprila 2008. godine

Sjednica je počela u 13.10. nakon nastavka 11. sjednice.

Sjednici je predsjedavao Stjepan Krešić, predsjedavajući Doma naroda Parlamenta Federacije Bosne i Hercegovine.

Predsjedavajući je obavijestio delegate da je Jozo Ivančević, poslanik u Predstavničkom domu Parlamenta Federacije Bosne i Hercegovine, dostavio Prijedlog Zakona o izboru, prestanku mandata, opozivu i zamjeni načelnika općina u Federaciji Bosne i Hercegovine sa prijedlogom da se razmatra po skraćenom postupku.

Kolegij Doma naroda predložio je da se Prijedlog Zakona razmatra po hitnom postupku, s obzirom na to da se u Predstavničkom domu razmatrao po hitnom postupku.

Prije glasanja o hitnosti postupka Tomo Vidović izrazio je nezadovoljstvo zbog promjene postupka razmatranja Prijedloga Zakona.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 48 glasova za i uz tri uzdržana glasa, prihvatio da se Prijedlog Zakona o izboru, prestanku mandata, opozivu i zamjeni načelnika općina u Federaciji Bosne i Hercegovine razmatra po hitnom postupku.

S obzirom na to da nije bilo prijedloga za izmjenu i dopunu predloženog dnevnog reda, predsjedavajući je konstatovao da je Dom naroda Parlamenta Federacije Bosne i Hercegovine jednoglasno usvojio sljedeći:

D N E V N I R E D

1. Prijedlog Zakona o izboru, prestanku mandata, opozivu i zamjeni načelnika općina u Federaciji Bosne i Hercegovine (predlagač: Jozo Ivančević, poslanik u Predstavničkom domu) – hitni postupak.

1. Prijedlog zakona o izboru, prestanku mandata, opozivu i zamjeni načelnika općina u Federaciji Bosne i Hercegovine

Prijedlog zakona je utvrdio Jozo Ivančević, poslanik u Predstavničkom domu.

Predstavnički dom je na nastavku 10. sjednice, održane 27. marta 2008. godine, usvojio Prijedlog Zakona sa šest amandmana koje je predlagač prihvatio, pa su postali sastavni dio Prijedloga Zakona.

Prijedlog Zakona razmatrala su nadležna radna tijela i dostavila svoje izvještaje.

Na Prijedlog Zakona amandmane su podnijeli: Tomo Vidović jedan amandman koji se odnosi na član 12. alineja 4.; Drago Puzigaća jedan amandman koji se odnosi na član 6. stav 4.; Svetozar Pudarić jedan amandman koji se odnosi na član 2. i dodavanje novih čl. 2.a, 2.b, 2.c, 2.d, 2.e, 2.f i 2.g.

Prijedlog Zakona obrazložio je Jozo Ivančević.

U pretresu su učestvovali: Svetozar Pudarić, Tomo Vidović, Asim Kamber, Drago Puzigaća, Denis Zvizdić, Asim Mekić, Sead Čaušević, Muhamed Osmić, Mile Kudić, član Centralne izborne komisije Bosne i Hercegovine, Mirsad Pindžo, Feliks Vidović, federalni ministar pravde, Jozo Ivančević, Alija Begović, Dženana Zlatar, Ramo Isak i Željko Asić.

S obzirom na to da je Jozo Ivančević, predlagač Zakona, izjavio da ne prihvata podnesene amandmane, predsjedavajući je pozvao delegate da se izjasne da li ostaju pri amandmanima.

Drago Puzigaća izjavio je da odustaje od svog amandmana.

Pošto Svetozar Pudarić nije odustao od svog amandmana predsjedavajući ga je dao na glasanje i konstatovao da amandman nije dobio potrebnu većinu glasova, jer je za glasalo 17 delegata.

U vezi sa amandmanom Tome Vidovića, predlagač Zakona je prihvatio prijedlog da se ovaj amandman tretira kao tehnička ispravka.

Tehnička ispravka glasi:

U članu 12. u alineji 4. riječi: «12 plaća» zamjenjuju se riječima: «12 mjeseci naknadu plaće».

Potom se prešlo na glasanje o Prijedlogu Zakona.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 45 glasova za i uz pet uzdržanih glasova, usvojio Prijedlog Zakona o izboru, prestanku mandata, opozivu i zamjeni načelnika općina u Federaciji Bosne i Hercegovine.

* * *

Sjednica je završena u 14.35.

Transkript sa sjednice čini sastavni dio Zapisnika.

SEKRETAR

Izmir Hadžić

PREDSJEDAVAJUĆI

Stjepan Krešić